

目錄

卷一 序

卷二 陽府志

卷(1-2)

貴陽府志序

徵文考獻問俗觀風爲政之先務也貴州通志修於
乾隆年間而貴陽爲一省首郡志乘未脩殊爲缺典
守土者病之道光二十三年周小湖太守知貴陽府
事百事咸理尤汲汲以脩志自任創率郡人士籌費
設局博採旁蒐先屬思南府蕭君珪草具大略又延
湖南新化縣鄒君漢勳討論而脩飾之稿本將成屬
余序其顛末不得辭也太守以詞臣領郡愿守繁區
前署思南纂脩府志余旣序而付梓矣是編之輯雖
止一郡文獻而領袖全黔將來續脩通省之志書以

貴陽府志序

貴州通志成於鄂文端相國自是越百餘年而耦耕
中丞因其崖畧爲貴陽府志未竟用遷來撫是邦踵
而成之夫必有郡志而後采爲通志者先河後海之
例也因有通志而復析爲郡志者導江分沱之說也
稽古在昔先民有作會稽志宋施宿所撰也至張洪
爲寶慶續志則仍其舊文稍益以辛酉後事爲八卷
建康志周應合所撰也至元張鉉爲金陵新志則擴
諸外乘刪去其年表爲十五卷舊可沿則沿之雖若
班孟堅之錄遷史不爲勦漏宜補則補之卽爲裴松

之之注壽志不爲專作述之體古如是也貴陽爲黔
天都會冠蓋之所交人文之所聚凡其建置沿革疆
域財賦戶口阨塞之類畧具通志矣其有待於增緝
補苴亦惟是孝義節貞之迭起錯出未忍聽其湮沒
也川遷於斯事無能爲役願幸有文端開其先得仿
其體例爲耦耕先輩續尾焉亦願守斯土者視其風
會之所趨而善爲導防云爾昔

宣宗成皇帝軫念邊垂披覽圖志數引公卿牧守博訪利
病盡濡下五六刻乃退用遷時拜撫黔之

命由蜀入觀備備焉惟恐失對貽羞及顧問黔事則頓

首曰臣不才少聞先都御史長白愛必達曰介楚之區其民夸介蜀之區其民果介滇之區其民魯介粵之區其民蒙上曰貴陽於四封無所介俗何如曰是亦多僑籍蓋合吳楚之秀良以聚族於斯土也其民華上曰趨於華也易返於樸也難樸惟恐其陋也華尤恐其僞也川遷退而筆之於簡故自數年來見士用官不取華縉雕琢誠欲正其趨抑其俗以無負

臨軒之命而已今於志之成也并附識之

撫黔使者裔用遷謨

[illegible]

貴陽府志叙

明初設貴陽布政司卽以貴陽府爲省會故金竹長
官司地也迄今五百餘年聲教洋溢人文彪蔚舉於
鄉者率占其額四之一或加羸焉士大夫之登

朝籍者往往列

禁近擁節旌爲

天子宣力中外聲譽著遠邇繇是論黔俗者尤以貴陽爲

一省之最予視學茲土四年矣通觀全黔之人文信

無有逾乎貴陽者也是何以然哉蓋貴州之山脈發

于黔中高峰峻嶺旁薄鬱積至是始豁然開頭山有

黔靈扶風之勝水有涵碧芳杜之觀四時溫和無大
逾熱嘉禾瑞麥歲書有秋宜其靈秀薈萃鬱爲人文
矣而才尤有望者黔學之興實自王文成始文成嘗
主講文明書院矣卽今貴山書院是也其時文成方
以忤大闢謫窮荒讀其瘞旅之文有足悲者率乃悟
及身之學揭良知之理用是風厲學者而黔俗丕變
厥後文成屢平劇盜定宸濠之亂以其主靜之學成
乎宙不世出之勲可謂偉矣而世之學者或以文成
雜入於禪爲詬病夫雜入於禪殆學文成者之過非
文成之失也今以文成之所表著者觀之學禪者能

光二十二年壬寅秋日調署貴陽中丞賀耕

以府志見委謂黔中受

國朝恩澤二百餘年前此僅有通志近日山川秀發人文蔚起貴陽爲通省領袖志乘缺如此守土者之責也爾其修之余日是不易易非之所能爲而先生

淳淳之意似不能已於是謀諸在籍之顯官紳耆如漕帥朱蔭堂封翁家石藩楊蘭圃觀察王夢湘兵部劉心農司馬陳杰峯刺史孔叙五諸公皆解囊捐金踴躍以期於必成遂延思南蕭玉初明府開局於府學明倫堂之右各秀士任採訪者若而人任謄錄者

若而人任雜事者若而人網羅舊聞招撫遺逸歷寒暑而無間勤鉛槧而弗遑閱三年而綱舉目張書已成帙其時學政胡小遠先生方伯李雙園先生前廉訪吳仲雲先生皆以爲體要已備猶擇而未精也筆墨已勞猶美而未善也與賀中丞商之復聘湖南宿學鄒淑績先生參互考訂去複刪繁另標節目以歸大雅獨據經史以闡異說自

宸章以至土司列爲八十八卷餘編二十卷條分縷晰體大思精贊之今宮傳見齋先生前方伯蘇溪先生咸以爲有典有則不懈而及於古可付剞劂矣維時

署中丞唐子方先生廉訪但雲淵先生及任於各省者俱捐廉分寄以成其事是役也數載辛勤始終經理者惟叙五一人之力居多余不敏前奔走於簿書近馳驅於防禦於書未能有所參補惜

耦耕先生已歸道山不及見此書之成以副其殷拳之意也是爲序

昔咸豐元年正月立春之次日

品授中憲大夫署貴州按察使司分巡貴東兵備道前翰林院編修掌廣西道監察御史乙酉科廣西鄉

試正考官廣西河南提督學政貴陽府知府軍功隨

帶加三級周作梓拜撰

貴陽府志序

凡州郡從水之陽者。於山爲陰。從水之陰者。於山爲陽。若地志所稱滎陽。汝陽者。居水北也。霍陽。衡陽者。居山南也。貴州本以貴山得名。山在城北二里。而郡治建於其南。故曰貴陽。先王之於民也。每患其不安於愚賤。尤恐其自外於富貴。故常於肇州置郡之初。錫以嘉名。使之顧名思義。有以激發其志氣。而鼓舞其精神。今富水從八里屯繞貴山麓。流入南明河。其激盪渟蓄。可謂擅一郡之勝矣。然卒不以富陽名者。水之南不可以陽名也。且與其使人慕富而爭效。則

僧曷若使人慕貴而爭重衣冠依宣慰之故址易程
番之舊稱寵錫之曰貴者使自歆動云爾而

國家爲黔南分制科增解額之意亦於是見且夫羅
甸鬼方之險非逾於劍閣也煥君務相之裔不雄於
瀕海也然而荒忽靡常華離相錯一聽其自若自長
者何也則以財賦不敵東南一大郡列代度外置之
也秦漢之際嘗置黔中牂柯郡矣當夫莊蹻開邊唐
蒙持節之時卽曰內屬不過羈縻至於元明百戰而
後服之再叛又幾棄之控御固若斯之難哉夫必有
鄙夷不屑之心而後彼亦悍然不顧以相抗今者毒

谿瘴嶺盡立室家并服鳥言俱隸版籍驅其豺狼狐
狸墾其犂确草萊歲納其粟米銓籍呼召役繇罔敢
或後蓋文德之懷柔遠矣而其俊髦亦默體

朝廷激發鼓舞之意不肯自外相與講明乎道藝步
趨乎矩繩其亦有文章政事與孫李諸君子爭輝者
嗚呼何感應之神耶土之人因其所貴而寵之以名
下之人亦崇其所貴而報之以實吾乃觀於郡志細
繹郡名而知蚩蚩者亦視乎上之意嚮其潛移默化
之權爲可恃也

略

從銅仁移守於茲愧不能課農桑

樹畜謀及米鹽凌雜襦袴織甞使之皆富猶欲留下

縣子弟選入學宮爲之講良貴之貴不在科名庶明
經飭行敦本勸善彬彬乎咸知自貴而又無服且值
郡志告成董斯役者屬弁其端而耜耕申丞旣於創
始之際爲小湖觀察詳序之矣復何贅遂因郡名寄
意焉

知貴陽府事江夏主成璐